



Comunu de Barùmini

c.a.p. 09021 Provìncia Biddexidru-Seddori

Bia Santu Franciscu,5 – Tel. 070/9368024-fax 070/9368033

segreteria@comunebarumini.it



DELIBERATZIONI DE SU CONSILLU COMUNALI

N.u 2 de su 17 de gennàrgiu 2013

CHISTIONI: decisioni de fai unu assòtziu de is comunus de Barùmini, Genuri, Lunamatrona, Seddori e Biddanoafranca po gestiri impari su servìtziu de segreteria comunali

Su 17 de su mesi de gennàrgiu de su duamillatrexì a is tres e mesu de merì in s'aposentu de is atòbius de su consillu comunali de Barùmini.

Is consilleris funt stètius tzerrius a pigai parti in sessioni straordinaria segundu sa lei e ant arrespustu in custa manera:

Cumponentis	Càrriga	
Lilliu Emanuele	sìndigu	Eja
Aracu Veneranda	cunsilleri	Eja
Corona Marcello	cunsilleri	Eja
Fulgheri Fabio	cunsilleri	Nou
Pistincu Sandro	cunsilleri	Eja
Sergi Sandro	cunsilleri	Nou
Sergi Ugo	cunsilleri	Eja
Zedda Vincenzo	cunsilleri	Eja
Zucca Michele	cunsilleri	Eja
Piredda Stefano	cunsilleri	Eja
Melis Bruno	cunsilleri	Nou
Pistincu Salvatore	cunsilleri	Eja
Turnu Roberto	cunsilleri	Nou

Cunsilleris : trexi –noi: ddoi fuant –cuàturu: mancànt

Partècipat cun funtzionis consultivas, de referenti, de assistentza e verbalizatzioni (art. 97, coma 4, litera a), de su D. Lgs.

18.08.2000, n. 267) su Segretàriu Comunali Dr. Giorgio Sogos;

S'atòbiu est pùblicu.

Su Presidenti inghitzat sa chistioni iscrita in s'òrdini de is traballus po sa d'.

Su Consillu Comunali

ARREGODENDI CA sa primu dì de su mesi de cabudanni de su 2012 is Comunas de Barùmini, Deximuputzu, Setzu, Genuri e Biddanoafranca ant fatu unu assòtziu po gestiri impari su servìtziu de segreteria, segundu s'art. 98, coma 3 de su Testu ùnicu de is leis a pitzus de is autonomia localis, aprovau cun D. Lgs 267/2000;

CA su Comunu at fatu oi etotu sa deliberatzioni p osculai s'assòtziu cun cussus comunus;

CA is comunus de Barùmini, Genuri, Lunamatrona, Seddori e Biddanoafranca bolint fai unu acordu po gestiri impari su servìtziu de segreteria comunali;

ARREMONADA sa conventzioni chi narat cumenti depint essi is raportus tra is comunus, decìdia de is s'indigus.

BIU s'art. 10 de su DPR 465/97 ca permitit a is Comunas chi faint parti de sa pròpriu Setzioni Regionali de s'Agentzia (oi prefetura)

cun deliberatzioni de ònnia consillu comunali ca podint pigai acordus tra de issus.

BIU s'art. 98, coma 3 de su D. Lgs. 267/2000 ca permit a is comunus de fai acordus po s'ufitziu de segreteria comunali, fendiddu sciri a sa Setzioni Regionali de s'Agentzia Autònoma po sa Gestioni de s'Agentzia Autònoma po sa Gestioni de s'Albu de is Segretàrius Comunalis e Provintzialis (oi Prefetura)

BIU ca su segretàriu comunali, in callidadi de responsabili de su servìtziu, est de acordu segundu s'art. 49 de su D. lgs n. 267/2000;

Nci funt e podint votai: noi consilleris; funt de acordu: seti; no ant bòfiu votai: 2 (Piredda, Pistincu).

DELIBERAT

DE FAI, segundu s'art. 10 de su DPR 465/1997 e de s'art. 98 coma 3 de su D.Lgs 267/2000, unu acordu tra is comunus de Barùmini, Genuri, Lunamatrona, Seddori e Biddanoafranca po gestiri impari su servìtziu de segreteria comunali;

DE APPROVAI una cunventzioni tra custus comunus po fai unu Ufitziu de Segreteria comunali ùnicu e de dd'aciungi a custu àutu cumentu parti pretzisa;

DE INDITAI cumenti Comunu Cabufila, cussu de Seddori, ca at anticipai sa paga de su segretàriu.

CA custa conventzioni at a depi essi fata de su s'indigu;

CA s'at a depi fai sciri a sa prefetura ca custa conventzioni est stètia fata.

DE DONAI S'ÒRDINI CA sa conventzioni at a balli de sa primu dì de su mesi de friàrgiu 2013 chi dd'ant a deliberai totus is consillus comunali.

De decrarai ca cun 7 consilleris de acordu e 2 chi no ant votau (Piredda, Pistincu) custu àutu ballit de imoi etotu segundu s'art. 134 de su T.U. 267/2000.